

Te Itiaki





Etangiriko Tamam are i Karawa bwa ko na kukurei n te bong aei ao n taainako. E a tia n anga reirei ao tuua rinanon Ana burabeti bwa a na buokiko. Teuana te tua ae kakaawaki ibukin raum ao kukureim bon Ana tua ni kaineti ma te wenenibure ae itiaki, ae ataaki bwa tuan te itiaki. E karika te tua aei te Uea mai moana, ao e kaota aron kakaawakina nakon te Burabeti Iotebwa Timiti bwa iteran Manga Kaokan ana euangkerio Iesu Kristo. Te ongotaeka nakon te tua aei bon te bwai teuana ae kainnanoaki ibukin te bwabetito nakon ana Ekaretia Iesu Kristo Ibukiia Aika Itiaki Ni Boong Aika Kaitira.

Tera Tuan te Itiaki

Te iein n rabwata imarenan te buu mwaane ao te buu aine bon iteran ana kainibaire ae tamaroa ao n tabu te Atua ibukiia Natina. Bon kaotan te tangira n te mare

*Tuan te itiaki e
tangira te reitaki
n te wenenibure n
te mare imarenan te
mwaane ao te aine.*


ao te kariaia imarenan te buu mwaane ao te buu aine bwa a na kona ni kariki. E a tia te Atua n tua bwa e kona ni kabonganaaki te mwaaka aei ti imarenan te mwaane ao te aine ae a tia ni kabaeaki n te mare n te tua.

E kaineti tuan te itiaki nakoia

mwaane ao aine. E irekereke ma te aki wenenibure imwain te mare ao te karinerine ae korakora ao te boutoka nakon buum imwiin te mare.

Irarikin karekean te wenenibure n te mare, ti karinea tuan te itiaki man tararuan ara iango, ara taeka, ao ara mwakuri. N ana reirei Iesu ao e taku, “Kam ongo bwa e atongaki ae kangai, Ko na tai wene ni bure: ao Ngai I taku nakoimi, bwa ane tarataraa te aine bwa e na kaitataan nako ina, ao e a tia ni wene ni bure ma ngaia inanona” (Mataio 5:27–28).





Bukin Tera Bwa N Na Riai Ni Kawakina Tuan te Itiaki

E a tia Tamam are i Karawa n anga tuan te itiaki bwa e na kawakiniko man kakabwaiako. N aron bwaai tabeua ake a tabu, e riai te iein n rabwata ni karaoaki nakon ana babaire te Atua. Ngkana ko kawakina tuan te itiaki, ao ko na kukurei, ko na rau, ao ma ni karineko i bon iroum.

Ko na kukurei n onimakinam ao ni koaua n am waaki n reitaki ma am utu, ao ko na kakabwaiaki ma te kona n taotaonaki-n-nano. Ko na kukurei n te kakabwaia n te euang-kerio iroun Iesu Kristo rinanon ana kairiiri te Tamnei ae Rairoi.

E tuangia aomata Taatan bwa a na kakoaua bwa te wenenibure itinani-kun te mare e kariaiakaki ao ma ni kona ni karaoaki. Ma aio bon te bure ae kakaiaki; Te Atua e reireinia n taainako natina bwa a na bwain te etieti ao te itiaki n aia iango (tara Te Otinako 20:14 ao Aramwa 39:3–5). Akea tokin te tua aei.

Uruakakin tuan te itiaki bon aki karinean te mwaaka are e a tia n anga te Atua bwa e na karika te maiu; e kaota Kamatauningana iai ma Natina. E kakerikaaka te tamnei ao n taainako e karika te ribaaki, te nanokawaki, te raure, te aoraki, ao kabwakaan te teei. Aomata ake

Ngkana ko maiuakina tuan te itiaki, ao ko na:

- *Kaoa te Tamnei ae Rairoi nakon maium.*
- *Karikirakea onimakinam I bon iroum ngkana ko tararuaiako I bon iroum.*
- *Karekea te onimakinkin n am reitaki.*
- *Karikirakea te tangira ma kaain rarikim.*

a urua te tua aei a na kona ni kai kariiriaki n ana kariiri Taatan. E kona te bure ae korakora aei n rotiia utu ao aomata riki tabeman.

N Na Kanga Ni Kawakina Tuan te Itiaki

E kantaninga te kainibaire te Atua ae rietaata mairouia Natina. Kawakinan tuan te itiaki, ko riai ni biti iango, taeka, ao mwakuri aika buakaka nakon aika raoiroi.

A kona reirei aikai ni ibuobuoki:

*“Kariai katei aika
raraoi bwa a na kata-
maroa am iango n aki
toki; ao e na teimatoa
tamaroana ni korakora
imatan te Atua.”*

D&C 121:45

Iango. Iango aika raoiroi man ibuo-
buoki e na kanakoraoi iango aika
buakaka ke aika aki tau man mai-
um. Ngkana ko kaona maium ma
iango ao mwakuri ni kukurei aika
uaana, ao ko na rikirake n am ko-
nabwai ni kona n tokanikai n onoi
mwiin ao tokanikai man iango ai-
ka buakaka. Warekan booki aika
tabu, buokan am utu, mwakuri ma

te nanomwaaka, ao katabeakim ni mwakuri ni kukurei
aika raraoi a kona ni buokiko n kabuta am iango.

Totokoi tamnei ni bwaitingako n aekaia nako. A karekei tangirakia ao e urubwai. E na kabua onimakinakim ma kakukurein bwaai raraoi n te maiu aei. Tai kariaia am ia-
ngo bwa e na iangoi bwaai aika a bwaitingako ke iango
aika buakaka ke katotongaia. Tai tarai, ao ni wareki, ke





ni kakauongo nakon te bwai are e kaotaki n te tamnei ake a kabwarabwara bwain te rabwata ke aron te wene-nibure n te aro n aki karinerine. Totokoi iango ni kaitataan nakoia tabeman, ao totokoi koroboki ke tamnei, tamnei man terewition, taabo n te intanete, anene, booki, beeба ni kaongora, ao mwakuri ni kukurei aika a na kaira am iango nakon te iango ae buakaka.

Taeka. A na riki am taeka bwa karikirakeaia ao kakorako-rakiia tabeman. Kamaunai waaki n aki mwamwanano, n aki karinerine, ao taeka ni manikangare, ao boto ni iango ake a na kona ni kaira am iango nakon te bwai ae buakaka.

Mwakuri. Bwaina te karinerine n taainako nakoia aomata tabeman. Bwaini kunnikai aika a na aki kabwakabwaka. Ngkana ko uringnga ae aomata ni kabane bon natin te Atua, ao ngkana ko karaoa am kona ni buokia tabeman bwa a na ira Ana babaire, ao ko na kakorakoraki n nanom ni kawakina tuan te itiaki.

Iangoia ngkai bwa ko na aki karaoa te bwai teuana itinikan kun te mare ni karika te iango ae buakaka irarikin are e kabwarabwaraaki n te mare. Tai karioi iango akanne nakon te aomata temanna ke bon nakoim. Tai irekereke ma te kaitataan imarenan te mwaane ao te mwaane ao imarenan te aine ma te aine ke mwakuri riki tabeua aika aki itiaki. Biti waaki ni kukurei ake a na kona ni kairo-roiko bwa ko na urua tuan te itiaki ma waaki ni kukurei

ma kakakibotu aika mamaten nanom . Inanon te mare, teimatoa ni kokoaua nakon buum n te iango ao n te mwakuri.

Bukina bwa maiuakinan tuan te itiaki e na kaaniiko riki nakon te Atua, Taatan e na anaa nanom bwa ko na urua ana tua. E ataa tikum ni maroa, n nano uoua, ke n rootaki n te nanokawaki, ao e na kabwakako ngkana ko mamaara. Tatato nakon Tamam are i Karawa buokam, ao E na anganiko te korakora n tokanikai iaon te kariiriaki (tara 1 I-Korinto 10:13). Ngkana ko Onimakinna ma n iri ana reirei, ao ko na tokanikai iaon te kariiriaki.

Kakabwaia Man Maiuakinan Tuan te Itiaki

Ngkana ko maiuakina tuan te itiaki, ko na rang ni kai ongo nakon ana kairiiri te Tamnei ae Raoiroi. Man ana kairiiri te Tamnei ae Raoiroi, ao ko kona ni karikirakea te ataibwai ae korakora, kaitarai karawawataaki ma te unga nnano ae korakora, ao n nanamakina ana boutoka te Atua ao ana kairiiri ni maium, ao n riki bwa te banna ni katooto nakon am utu ao tabeman riki. Te tangira are iai iroum ibukin kaainabam ao tabeman riki aika ko tangiriia a na kakorakoraaki riki, kabatiaki, ao ni iai uaana. Ko na namakina te rau n nano ae korakora riki.

Ti reiakinna man booki aika tabu bwa karekean te kukurei ae kororaoi bon man kawakinan ana tua te Atua (tara Motiaeae 2:41) ao bwa “te aro ae buakaka e aki kona ni karekea te kukurei” (Aramwa 41:10).



*N*aki iangoia bwa
tera ae ko a tia ni
karaoia n taai aika
nako, a na reke
kakabwaia aika mwaiti
nakoiim ngkana ko a
moana maiuakinan
tuan te itiaki.

Ngkana ko a tia n urua tuan te itiaki, e a tia te Atua ni karekea te kawai ibukim bwa ko na rairananom man kaitiakiko. Rairananom ngkai ibukin am bure ni kawai, ao katia mai nanom bwa ko na maiuakina te tua aei. Ko kona ni karaoa aei rinanon ana Mwakuri ni Kamaiu Iesu Kristo ao te rairannano ae koaua, ao a kona ni kabwaraaki am bure ao n namakina te rau.

REITAN TE KAMATEBWAI

Titiraki ao koroboki aika tabu aikai a kona ni buokiko n reiakin riki reirei inanon te boki ae uarereke aei. A kona kabwarabwaraan kiibu mai inano ao manga okiran rongorongo inanon booki aika tabu ni kaota nakoim reitan kibu n taeka ao bwaai ni iboubuoki riki tabeua ni kaineti ma taian reirei aikai.

Tera ae nanonaki ni kawakinan tuan te itiaki?

Bukin tera ngkai e rangin ni kakawaki te tua aei?

Te Otinako 20:14 (Baibara, O Tetemanti)

Taeka n Rabakau 6:27–32 (Baibara, O Tetemanti)

Tito 2:11–12 (Baibara, Nu Tetemanti)

Aramwa 39:3–5 (Ana Boki Moomon, iteraniba 334)

3 Nibwaai 12:27–30 (Ana Boki Moomon, iteraniba 486; tara naba Mataio 5:27–30 n te Nu Tetemanti)

“Te Utu: Te Katanoata Nakon te Aonaaba” (A kona mitinare ke kaain te Ekaretia ni buokiko ni karekea katotoon te boki aei ao te *True to the Faith* ao *Ibukin Kakorakoraia Kairake*, ae karinanaki inano. Ko kona ni kunea n te intanete iaon te www.mormon.org.)

“Chastity,” *True to the Faith*

**N na kanga ni karekea te korakora ae I kainnanoia
ibukin kawakinan tuan te mauri?**

1 I-Korinto 10:13 (Baibara, Nu Tetemanti)

Motiae 4:29–30 (Ana Boki Moomon, iteraniba 164)

Aramwa 38:12 (Ana Boki Moomon, iteraniba 333)

Te Boki *Ibukin Kakorakoraia Kairake*

Tera Ae N Na Riai Ni Karaopia?



- Reitinako ni wareka ana Boki Moomon.

Katautauan Taian Wareware: _____

- Maiuakina tuan te itiaki. Tataro buokam ibukin kawakinan te tua aei.

- Naako ira te taromauri n te Taabati aei.

- Reitinako ni katauraoi ibukin te bwabetito.

Bongin te bwabetito: _____

- Nakon www.mormon.org n reirei riki taikan Ana Ekaretia Iesu Kristo Ibukiia Aika Itiaki Ni Boong Aika Kaitira.

- Reitinako ni marooro ma mitinare n reirei riki taikan kaokan te euangkerio.

Am tai ni marooro are imwiina: _____

Aran te mitinare ao nambwan ana tareboon:

ANA EKARETIA
IESU KRISTO
IBUKIIA AIKA ITIAKI
NI BOONG AIKA KAITIRA

www.mormon.org

Taekan Tamnei

Kunna i moa, kabwarabwaraana man *Hear Ye Him*, iiron Simon Dewey. © Simon Dewey

Iteraniba 6, *The Savior*, iiron Del Parson. © Del Parson

Iteraniba 2, 5, 10 iiron Steve Bunderson. © Steve Bunderson

Iteraniba 9, 13 iiron Steve Bunderson ao Monique Saenz. © Steve Bunderson

© 2007 iiron Intellectual Reserve, Inc. Bon ti te Intellectual Inc. ae e na baireja bwa antai ae e na kona ni

kabongana ao antai ae e na aki. Boretiaki n te USA. Karaiakaki n te Ingriti: 2/06. Karaiakan rairana: 02/06.

Rairan te *Chastity*. Kiribati

KIRIBATI



4 02011 55859 2

01155 859